

**Sarajevska
zima**


POZDRAV IZ AUSTRIJE

Uz ukrajinski program koji će popodne biti održan u Hanikahu, festival donosi i gostovanje Crnogorske filharmonije u Narodnom pozorištu Sarajevo

Sarajevska zima, uprkos svakodnevним protestima na ulicama Sarajeva, nastavlja sa svojim programom. Tako će danas u Hanikahu program biti posvećen ukrajinskim umjetnicima - u 17 sati će biti otvorena izložba ukrajinske slikarice sa sarajevskom adresom Ganne Kryvolap "Horizonti Sarajeva". Odmah nakon otvaranja izložbe, u 17.30 sati bit će održan i susret sa ukrajinskim piscima Andreyem Kurkovom i Jurijem Lisenkom.

Kurkov je ukrajinski pisac koji već godinama objavljuje romane na ruskom jeziku. Autor je 13 romana i pet knjiga za djecu, a njegova djela su prevedena na 25 jezika. Njegovi romani su puni crnog humora, postsovjetske realnosti ali i nadrealnih elemenata. Lysenko, s druge strane, autor je poetskih zbirki koje su objavljivane u Ukrajini ali i širom svijeta.

Večernji program donosi koncert Crnogorske filharmonije Pozdrav iz Austrije, koji će biti održan u Narodnom pozorištu Sarajevo u 20 sati. Na koncertu će nastupiti solisti Brigitta Simon i Ivica Šarić, a orkestrom će dirigovati austrijski maestro Uwe Theimer. Koncert je humanitarnog karaktera, a donosi program baziran na



Crnogorskom filharmonijom orkestriraće Uwe Theimer

zlatnoj i srebrnoj eri bečkog valcera i operete, kao i raritetima kompozitora Johanna i Josefa Straussa, Carla Michaela Ziehrera, Franza Lehara i drugih, te djela iz BiH i Crne Gore.

- Nadam se da će doći puno ljudi da bi se skupilo što više sredsta-

POZITIVNA ENERGIJA
Namjerno nismo otkazali koncert u ovim okolnostima, jer smatramo da javni život mora ići dalje, a ovakvi događaji donose pozitivnu energiju, istaknuo je ambasador Austrije u BiH Martin Pammer

va za humanitarne svrhe. Prihod od koncerta bit će doniran Udruženju za djecu s poteškoćama u razvoju Sumero. Namjerno nismo otkazali koncert u ovim okolnostima, jer smatramo da javni život mora ići dalje, a ovakvi događaji donose pozitivnu energiju, istaknuo je ambasador Austrije u BiH Martin Pammer na konferenciji održanoj povodom koncerta.

N. S.